



Broj:07-07-22-24103/21
Sarajevo, 07.06.2021. godine

Na osnovu člana 70. Zakona o organizaciji organa uprave u Federaciji BiH ("Službene novine Federacije BiH", broj 35/05), člana 5. stav 1. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo ("Službene novine Kantona Sarajevo", broj 19/14, 12/16, 13/17, i 46/18) i Zaključka Vlade Kantona Sarajevo broj:02-04-21805-39/21 od 20.05.2021. godine, Ministarstvo privrede Kantona Sarajevo objavljuje

J A V N I P O Z I V
za dodjelu namjenskih sredstava u oblasti šumarstva
iz Budžeta Kantona Sarajevo za 2021. godinu sa pozicije
Ministarstva privrede – Uprave za šumarstvo

Predmet Javnog poziva:

Podnošenje prijava prijedloga projekata iz oblasti šumarstva sa pratećom dokumentacijom koja će se finansirati/sufinansirati iz Budžeta Kantona Sarajevo za 2021. godinu sa pozicije Ministarstva privrede – Uprave za šumarstvo, a shodno Zaključku Vlade Kantona Sarajevo broj:02-04-21805-39/21 od 20.05.2021.godine.

Pravo na dodjelu namjenskih sredstava:

Pravo na dodjelu namjenskih sredstava po Javnom pozivu imaju:

- a) Kantonalno javno preduzeće za gospodarenje državnim šumama na području Kantona Sarajevo "Sarajevo-sume" (u daljem tekstu: KJP Sarajevo-sume) i Kantonalna javna ustanova za zaštićena prirodna područja Kantona Sarajevo (u daljem tekstu: KJU za zaštićena područja);



- b) obrazovne institucije, registrovane na sudu i/ili u registru Ministarstva za obrazovanje, nauku i mlade Kantona Sarajevo, a koja imaju sjedište, djeluju, rade i implementiraju projekte na području Kantona;
- c) udruženja i fondacije, registrovana u Ministarstvu pravde Kantona Sarajevo i ona koja su registrovana u skladu sa zakonom na entitetskom ili državnom nivou, a koja imaju sjedište, djeluju, rade i implementiraju projekte na području Kantona Sarajevo, a registrovani programski ciljevi i zadaci su im na uzgoju šuma, uzgoja i zaštite divljači te zaštite i unapređenja okoliša;
- d) fizička lica vlasnici privatnih šuma i šumskog zemljišta na području Kantona Sarajevo, a koja imaju prebivalište i realizuju projekte na području Kantona Sarajevo.

Uslovi učešća:

1. KJP Sarajevo-sume i KJU za zaštićena područja namjenska sredstva mogu se dodijeliti za projekte koje će realizovati u šumama i na šumskom zemljištu u državnom vlasništvu koje im je Zakonom o šumama Kantona Sarajevo dodijeljeno na gospodarenje, a prema Programu utroška namjenskih sredstava u oblasti šumarstva iz Budžeta Kantona Sarajevo u 2021. godini i u skladu sa članom 3. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo.

Ukupna raspoloživa sredstva su u iznosu 2.581.559,66 KM

2. Udruženjima i fondacijama namjenska sredstva mogu se dodijeliti za projekte iz oblasti zaštite okoliša koji se odnose na:

- a) čišćenje, uređenje, pošumljavanje i ozelenjavanje javnih površina, šumskog zemljišta i slično,
- b) očuvanje i unapređenje bioraznolikosti šumskih ekosistema,
- c) uzgoj i zaštitu divljači,
- d) izgradnju šumske i lovne infrastrukture,
- e) unapređenje zbrinjavanja otpada,
- f) jačanje ekološke kulture građana.

Udruženja i fondacije imaju pravo na Javni poziv prijaviti 2 (dva) projekta, od kojih samo 1 (jedan) projekat može biti odobren za finansiranje iz namjenskih sredstava.

Ukupna raspoloživa sredstva su u iznosu od 20.000,00 KM

3. Pravo učešća na Javnom pozivu imaju i fizička lica koja imaju prebivalište na području Kantona Sarajevo i koji će projekte realizirati na šumskom zemljištu koja su u njihovom vlasništvu i nalaze se na području Kantona Sarajevo, a koji se odnose na slijedeće:

- a) pošumljavanje šumskih goleti (nabavka sadnog materijala),



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1



- b) popunjavanje šumskih kultura (nabavka sadnog materijala),
- c) zaštitu šuma od štetnih šumskih insekata i biljnih bolesti (nabavka opreme za zaštitu šuma od štetočina).

Fizička lica imaju pravo na Javni poziv prijaviti jedan (1) projekat.

Ukupna raspoloživa sredstva u iznosu od 5.000,00 KM

Sadržaj projekta:

Projekat treba da sadrži:

- popunjeno obrazac sa nazivom i opisom projekta;
- područje na kojem se izvodi projekat;
- jasne ciljeve projekta;
- vrste aktivnosti koje će se provesti da bi se postigli postavljeni ciljevi;
- očekivani rezultati;
- korisnike projekta;
- rok realizacije projekta;
- neophodna sredstva (uz naznaku vlastitog ulaganja).

Dokumentacija za pravna lica:

1. KJP Sarajevo-sume, KJU za zaštićena područja i obrazovne institucije dužni su dostaviti slijedeću dokumentaciju kojom dokazuju ispunjavanje uslova:

- a) izvod iz sudskog registra ili drugog registra, ne stariji od 3 mjeseca od dana podnošenja prijave, kojom podnosioci prijave dokazuju da su registrovani u relevantnom registru radi obavljanja profesionalne djelatnosti (za javna ustanove iz oblasti obrazovanja dokaz o upisu u registar kod Ministarstva za obrazovanje, nauku i mlade Kantona Sarajevo),
- b) uvjerenje o poreznoj registraciji,
- c) bilans uspjeha za predhodnu godinu,
- d) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od 3 mjeseca od dana podnošenja prijave,
- e) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje ne starije od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost),
- f) karton deponovanih potpisa iz banke osoba odgovornih za finansije, tj. obrazac iz Ministarstva finansija Kantona Sarajevo za javnu ustanovu za zaštićena prirodna područja i javne ustanove iz oblasti obrazovanja sa brojem na koji će se izvršiti uplata i broj budžetske organizacije,



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



- g) ovjerenu izjavu o visini sredstava s kojim će sufinansijer učestvovati u finansiranju projekta ili ugovor o sufinansiranju projekta (ako postoji partner u projektu),
- h) projekat sa budžetom ovjeren i potpisana od strane podnosioca.

Dokumenti se prilaže u orginalu ili ovjerenoj kopiji.

Dokumentacija za udruženja i fondacije:

Udruženja i fondacije dužna su dostaviti sljedeću dokumentaciju kako bi dokazali ispunjavanje uslova:

- a) rješenje o upisu u Registar udruženja kod Ministarstva pravde Kantona Sarajevo ili drugog nadležnog organa u Federaciji Bosne i Hercegovine iz kojeg je vidljivo sjedišta udruženja na području Kantona,
- b) uvjerenje o poreznoj registraciji,
- c) karton deponovanih potpisa iz banke osoba odgovornih za finansije,
- d) ovjerena izjava o visini sredstava s kojima će sufinansijer učestvovati u finansiranju projekta ili ugovor o sufinansiranju projekta (ako postoji partner na projektu),
- e) bilans stanja i bilans uspjeha za prethodnu kalendarsku godinu, a za udruženja koja su osnovana u tekućoj godini početni bilans,
- f) projekat sa budžetom ovjeren i potpisana od strane podnosioca.

Dokumenti se prilaže u orginalu ili ovjerenoj kopiji koja na smije biti starija od 3 mjeseca računajući od dana objavljivanja Javnog poziva.

Dokumentacija za fizička lica:

- a) potvrda/uvjerenje o prebivalištu (CIPS),
- b) zemljišnoknjižni izvadak za parcelu odnosno katastarsku česticu na kojoj će se realizirati projekat kao dokaz da je podnositelj zahtjeva vlasnik zemljišta,
- c) kopiju katastarskog plana za parcelu odnosno katastarsku česticu na kojoj će se realizirati projekat,
- d) prepis posjedovnog lista za parcelu odnosno katastarsku česticu na kojoj će se realizirati projekat,
- e) nalaz i mišljenje pravnog lica za obavljanje stručnih poslova u privatnim šumama sa specifikacijom troškova,
- f) ovjerena izjava o visini sredstava s kojim će korisnik ili drugi zainteresovani subjekt učestvovati u sufinansiranju projekta,
- g) projekat sa budžetom ovjeren i potpisana od strane podnosioca i pravnog lica za obavljanje stručnih poslova u privatnim šumama,



- h) izjavu pravnog lica za obavljanje stručnih poslova u privatnim šumama da su granice šumskog zemljišta u privatnom vlasništvu na kojem će se realizirati projekat na terenu vidne i na propisan način obilježene,
- i) ukoliko je podnositelj zahtjeva svlasnik zemljišta dužan je dostaviti ovjerene punomoći svlasnika kojima se ovlašćuje za poduzimanjeradnji u cilju realizacije projekta.

Dokumenti koji se dostavljaju ne mogu biti stariji od tri mjeseca.

Dokumenti se prilaže u orginalu ili ovjerenoj kopiji.

Način prijave i potrebni obrasci:

Kandidati prilikom prijave na Javni poziv obavezno dostavljaju i slijedeće obrasce:

- a) popunjeni PRIJAVNI OBRAZAC, koji se može dobiti u Ministarstvu (*u službenim prostorijama Ministarstva privrede – Uprave za šumarstvo, ulica Branilaca Sarajeva broj 21*) ili putem web stranice Ministarstva privrede Kantona Sarajevo www.mp.ks.gov.ba;
- b) IZJAVU da su svi podaci navedeni u Prijavnom obrascu istiniti i tačni (na propisanom obrascu), koji se može dobiti u Ministarstvu (*u službenim prostorijama Ministarstva privrede – Uprave za šumarstvo, ulica Branilaca Sarajeva broj 21*) ili putem web stranice Ministarstva privrede Kantona Sarajevo www.mp.ks.gov.ba;
- c) PRIJEDLOG PROJEKTA isključivo na propisanom obrascu “format prijedloga projekta” koji se može dobiti u Ministarstvu (*u službenim prostorijama Ministarstva privrede – Uprave za šumarstvo, ulica Branilaca Sarajeva broj 21*) ili putem web stranice Ministarstva privrede Kantona Sarajevo www.mp.ks.gov.ba;

Podnositelj prijave obavezno popunjava sve rubrike Prijavnog obrasca i odgovara za vjerodostojnost svih navedenih podataka. Samo jasno uneseni podaci se koriste prilikom vrednovanja projekta.

Odluke o odobravanju novčanih sredstava korisnicima će se objaviti na web stranici Ministarstva privrede.

U toku postupka primjenjivaće se Pravilnik o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo. (“Službene novine Kantona Sarajevo”, broj 19/14, 12/16, 13/17, i 46/18).

Kontakt telefon: 033/550-285



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Rok i adresa za podnošenje prijava:

Rok za dostavu prijava po ovom javnom pozivu je 30 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo www.mp.ks.gov.ba

Prijave na Javni poziv sa potrebnom dokumentacijom podnose se na centralni protokol Kantona Sarajevo ili šalju preporučeno putem pošte na adresu:

**Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo**

**sa naznakom: Prijava po Javnom pozivu za dodjelu namjenskih sredstava u oblasti šumarstva
iz Budžeta Kantona Sarajevo za 2021. godinu sa pozicije**

Ministarstva privrede – Uprave za šumarstvo

- NE OTVARATI -



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

